

四庫全書

集部

欽定四庫全書

滎陽外史集卷六十一

明 鄭真 撰

表

高宗麟德二年李淳風上麟德厯表

伏以舜政協和式謹璣衡之度夏時謹始用彈鉛槧之  
功俯竭微忱仰干睿覽中謝竊惟人情之動固可以言知

天道之行惟當以數測粵若古昔眇矣源流閏定四

時命欽堯帝策推己酉紀叶有熊允惟歷象之碩實利  
民生之用自非知來察往明疾徐虧胸之分何以趨事  
赴功致作訛成易之效庸少殫于薄技以仰答于盛明  
遠求億載之前使合上元之會陰陽二氣循環不失於  
常經日月五星流轉靡差于密度析旦夜晨昏之異明  
分至啓閉之殊翰運不忒於仁均增損用遵於劉焯于  
斯為盛可舉而行恭惟皇帝陛下盛德昭明至仁溥博  
仰觀俯察導迎天地之和內修外攘一正華夷之統乘

乾首物順革從時載新寰宇之傳肇謹清臺之課宜詔  
執事以介昌期臣某承命無庸視成有媿職匪忘於占  
步事宜慎於布宣跨萬里以同文億年永命順四時而  
成歲庶績凝休

玄宗開元中一行上黃道游儀表

伏以聖治憲天誕正玉衡之密度臣工率職肇新黃道  
之游儀俯竭愚誠仰干睿覽中謝竊惟制器尚象聖人所

以用心治厯明時民生因之取信是故周髀宣夜之學

渾天蓋象之云雖得失之匪同固討論之有據粵惟上  
聖克紹前聞包地統天妙堪輿之造化激輪注水明晝  
夜之運行睽取義之已精尚旋儀之有缺爰求植木以  
貫旋樞使交奎軫之間用測陰陽之運兩儀六合咸歸  
經緯之中二曜五行不出循環之外明遠近以推分至  
審邪正以驗虧盈休咎往來占候不忘於警省寒暑  
代謝事功宜就於謀為用昭寰宇之傳寅上清臺之御  
恭惟皇帝陛下功成極治道本生知華夏車書一統咸

周於正朔北南聲教大政尤謹于授時睠茲九道之交  
實係周天之運肇體元而立制庸攷順以求違爰命微  
臣載詢遠制妙應機緘之運祭然鈞軸之華臣某敢不  
寄迹空門承恩內闕乾文炳煥願勤乙夜之瞻恭運開  
明永介萬年之壽

玄宗開元十五年張說等謝置集賢殿學士表

伏以內殿易名丕闡尚文之治近臣召直寵加新命之  
榮於感荷以維深思報稱其曷已俯攄蟻悃仰對龍顏

中謝竊惟一代之興王必有非常之制作閣崇天祿藹冠帶之名儒館置弘文萃瀛洲之多士蓋將發揮于經術庶幾開廣于聖明昭哉治化之隆允矣論思之選乃如今日益廣前規講學尊賢誕布維新之號設官分職允為求舊之圖揭日月以行天鼓風雷而澤物顯加爵位登進臣工使于言語侍從之餘即見潤色討論之效自非鴻碩曷承燕閔某等學匪多聞才不適用生逢堯舜夙諧輔弼之心迹擬夔龍深仰訏謨之盛屬身陪於燕

席獲面侍于恩顏申命周行俾升嚴邃加珍盛饌不勝  
華藻之懷廣廈細氈豈稱草茅之陋遭逢侈矣媿報謂  
何恭惟皇帝陛下堯性聰明禹姿勤儉勤政務本周知  
黎庶之艱花萼相輝推廣宗親之愛履茲大道躬致丕平  
謂仙者清虛之談于今何取顧賢者致治之要在古皆  
然遂致下材獲膺清問臣某敢不勉肩所職思報隆知  
薦引人材助皇猷之密勿考求經籍彰聖學之緝熙

開元十七年丞相源乾曜張說以帝生日為千秋



節賀表

伏以流虹遶渚丕逢八月之良飛龍在天誕啓千齡之慶人神喜洽華夏懽同中賀竊以王者受圖於昭景命民人聳聽必得隆名粵若前朝懿哉盛典誕彌厥月周詩彰震動之符長發其祥商頌紀隆生之瑞二儀明察億載綿延恭惟皇帝陛下乃聖乃神允文允武勵精治理彰勤政務本之名篤敘彝倫藹華萼相輝之盛闡河圖而毓瑞承祖烈以重光壽考且寧益茂延洪之祉侯邦

來賀曷勝歸美之誠臣某等謹以八月五日為千秋節  
伏願俯順輿情式頒徽典金聲叶應清商入奏於歌  
絃玉氣調和湛露普沾於華度著之令甲副在有司

開元二十年蕭嵩上開元禮表

伏以治本百王誕著儀容之盛法垂萬世丕昭典籍之  
華詳篇目以臚分晉宸巖而露奏中謝竊惟禮以節性

制任宜人度數節文允矣規模之大恭敬慈讓本乎性  
分之全於穆前朝率時丕範上而虞帝守官申命於伯夷

下若姬周制作聿成于公旦盡揖讓周旋之則極等夷隆  
殺之嚴降至漢興盡忘周舊叔孫通於制草創安免譏  
慙河間王得之民間寧無遺失惟大修於儀典必有待  
於文明恭惟皇帝陛下大聖生知小心克畏率履不越  
莫非天理之節文精一執中寔為人事之儀則祖烈既  
明於續述邦儀猶重於討論念貞觀制於玄齡綱條已  
正謂顯慶成於無忌令式何多俾明增損之宜不失經  
常之正惟帝其訓與時偕行臣某幸際昌時謬膺重寄

上行下效載觀宗伯之典章世變俗移願效闕雎之風  
化

天寶十三載揚州守臣某進水心龍鏡表

伏以百鍊精金合乾坤之造化萬年明鑒揭日月之光

輝肅致愚衷恪供宸御

中謝

竊以物生有象明照無窮故

司烜掌方諸恪守服官之典渠國進火齊丕昭任土之  
誠允鑠熙朝同符前古矧日應天中之候正風行水上  
之時離坎相資神靈助順遂致圓明之端實惟鎔冶之

功有蟄龍形於昭駿造勢若鼓風雷而盤辟殆將乘雲  
霧以飛騰香敷鉛粉之華氣浥膏脂之潤江山表裏示  
不隱於纖毫人物低昂諒莫遺于妍醜用表聖顏之悅  
懌以昭清燕之鑒觀翼翼不回式表威儀之正赫赫在  
上何容塵垢之昏新以又新且兮復旦恭惟皇帝陛下  
法天成知隨物付形念治在無為奚罄名言之妙謂人  
難自見必資模範之工茲克畏以難明爰考圖以敷貢  
臣某仰瞻黼座俯奉珍函君德匪私既普同於燭照臣

職匪懈尤有待于磨礪

玄宗開元六年郡國謝頒鄉飲酒禮表

伏以寰宇同文誕著聲容之盛鄉黨齒讓肇新典禮之行  
千載有光四方作式

中謝

竊以達邦立國貴乎興禮導民

故天府獻書式見賢能之盛鄉人飲酒用知齒德之尊  
粵周室之興隆盛姬公之制作正位乎主賓僕介法象  
乎天地陰陽三讓以升百拜斯飲澹玄酒而責質熟羹  
載以存誠祭壺樽爵洗之多列几俎豆籩之盛鏘鏘雅

樂鼓座席之春風濟濟衣冠藹族間之和氣尊卑有序  
少長咸宜司正揚觶以致辭衆工間和而告備奠酬導  
飲洽宴樂以從容酬酢送迎篤敬恭而匪懈于斯盛矣  
何以加焉恭惟皇帝陛下視同仁篤近舉遠率履不  
越莫非天理之節文精一執中實為人事之儀則肇頌  
邦秩防範人心比屋可封丕變天下之俗安燕不亂載  
新庠序之光仰聖德之巍巍知王道之易易惟帝其訓  
與時並行臣某仰佩綸音申嚴筵秩年當大比陳地官

司徒之威儀運應重熙被麟趾闕睢之風化

玄宗開元<sub>開</sub>年特進張說進大衍曆表

伏以治洽同文誕辰車書之慶數推大衍肇新曆象之

傳俯瀝愚忱仰干睿覽<sub>中謝</sub>竊以事係時時係日政有常

經正次王王次春謹之在始粵惟古往敬授人時虞舜康

庶事勅命惟幾唐堯釐百工定時以閏洪惟上聖克紹

前聞肆求著易之微以考穗書之課起自五十俾用無窮

散為億千其歸有本分二卦一揲四歸奇日月有經合



陰陽之磅礴乾坤定位妙造化之生成置閏以別盈虛  
定朔而明虧朏分至啓閉循環不失于毫釐寒暑朝昏  
遲速靡愆于晷刻默應玉衡之度輔成玉燭之和恭惟  
皇帝陛下德體乾元道交泰始功參化育導迎天地之  
休祥象著昭明遂致璧奎之異彩爰重清臺之制以昭  
寰宇之傳與物為春俾民觀象臣某職司佐政任寄調  
元夷隩析因敢致民生之序作訛成易俾知帝力之深

肅宗至德某年元結進大唐中興頌表

伏以天威討伐誕成戡定之勲聖德形容庸慎聲歌之體俯憑筆體仰瀆冕旒中賀竊以夏禹勒岫嘒之碑治水式彰于偉績漢將紀燕然之刻攘夷丕著于成功允鑠熙朝聿隆前古蠢彼胡夷之擾肆勤王旅之征盡驅九廟之氛祲重復兩京之日月蜀天萬里迎上皇以來歸禹貢九州合諸侯之朝覲用昭明于史氏宜倣像于詩人據事直書式紀修文之盛托物取義不忘歸美之誠茂對宏休庶傳不朽恭惟皇帝陛下功成績述志篤修

攘復國步之艱難膺人心之翼戴櫛風沐雨六飛爰備  
于師虞旋乾轉坤四海畢歸于離照孝養藹九重之喜  
氣謨謀綿百世之基圖乃詔臣工用貽銘刻穹崖峭立  
俯渥水之奔流綠字淋漓與湘山而永久居慚骭骸丕  
冒威嚴臣某親際中興躬承明命周詩紀德敢言吉甫  
之休聲舜殿颺言竊擬臯陶之致治

德宗興元元年司徒李晟賀平朱泚表

伏以河山有誓大聖垂恩天地不容逆臣授首快觀京

華之復觀欣瞻車駕之言旋日月中天風雲萬里中賀竊

以王師利用寅奉天威人臣無將敢干人紀睽茲凶悖  
本出寒微始蒙堯日之耿光旋奉周天之惠澤職居戎  
帥地兼極鎮之崇爵至鼎台寵冠三孤之貴金帛子女充  
拓其庭山川土田取章爾字曾無尺寸之數以酬莫大  
之恩乃爾無厭竟為不軌起闕庭之氛祲驚寢廟之神  
靈萬姓靡依六飛近狩既人心之共怒于國法以奚誅  
王旅嘽嘽敢肅將于大命戎容暨暨行殄滅於渠魁迄

告成功咸出睿算致此雲龍之慶曾何汗馬之勞恭惟皇  
帝陛下默運神機於昭聖武沛然雨露流通發育之恩  
如彼江湖廣大包容之量顧茲頑梗自致刑威臣某受  
寄我麾歡迎御輦受明堂之朝賀將遠過于周宣刻渚  
水之文章誠有期于臣結

貞元五年中書侍郎同平章事李泌乞更命相表  
伏以明王立政惟人職匪專于獨任宰相代天理物效  
惟著於同寅俯憑微忱仰干淵聽中謝竊以廟堂為至重

之地宰輔匪常調之官必前疑後丞乃勝鼎鉉之重非  
左輔右弼曷成社稷之功丕若熙朝間生名哲房杜致  
貞觀之盛治姚宋成開元之太平蓋皆一德以一心斯  
能立政而立事仰廷紳之往矣顧機務以紛然豈此樛  
材獨持魁柄竊念某性資鄙野學術荒疎每期終老于  
漁樵顧乃躡升于臺閣引公卿而求民瘼既無作霖之  
功覈材藝以敘官宜徒殫待旦之慮顧寵恩之既侈念  
謫材其弗堪盍選班行俾升揆席分任事權之重上承

明命之隆恭惟皇帝陛下堯性聰明禹安勤儉藩臣梗  
化茂陶含養之恩百辟趨風深仰財成之德而臣生逢  
盛際親荷隆知然以衰老之姿恐負聖明之治伏望大  
明委照聖度垂憐幸別採于師言使簡求於元輔奮庸熙  
帝載尚令心腹之同于時亮天功允叶股肱之美

建中四年翰林學士祠部郎中陸贄辭考功郎中

表

伏以北門儼直已叨掌禮之榮東銓附班又辱考功之

選俯驚忝冒寧不懇辭

中謝

臣某識不該明罷非宏遠

惟學是務夙膺孔孟之言非道不陳期助唐虞之治適  
天開於文運遂名玷于詞科職更縣治之勞任處臺端  
之重迨蒙聖作親覩詔除既躡長于翰林復聯華於祠  
部論思獻納日侍清光衣被服乘歲蒙異數頃屬巡行  
之際獲聯扈從之中王事多艱匪有忠謀之益帝德廣  
運曾無佐輔之勲雖備歷于艱難乃當然之職分使其賞  
先于禁近殆恐體解于勲臣願返恩言渙還成命恭惟



皇帝陛下舜聰旁達堯哲周知申命隆儒上進宸嚴之  
直爰徵哲士聿升侍從之班肆令駑鈍之姿有玷聖明  
之治既使摛文于禁苑復令廁列于天官深駭誤恩且  
慙非稱伏望無嫌反汗俯賜轉圜上性命道德之言願  
殫初志掌功過善惡之法乞賜俞音

澤州刺史上慶雲圖表

伏以聖德動天丕應輪囷之象臣心捧日寧忘舒卷之  
懷用新圖繪之華上瀆冕旒之邃

中謝

竊以福有象類誠

能感通惟聖人臻極治之符則上帝協至和之應軒皇  
受命式彰紀號之休禎漢武循行聿起封中之異彩乃如  
今日允介昌期既非霧以非煙亦在天而在野光華遍  
觀神造難名爰暮寫于形容輒晉陳于清燕恭惟皇帝  
陛下躬膺百順運協重熙嗣位配乾廣大妙參于神化  
沛恩作解流通普慰於民生爰臻紛郁之祥益見悠揚  
之妙茲惟有象豈曰無心臣某叨領郡符恭逢天瑞九  
重仰戴每勤舜澤之施千里承宣敢弛商霖之念

憲宗元和四年李絳謝除翰林學士表

伏以南面尊居誕啓興文之運北門寵置遽叨倬直之

榮遜避莫從驚惶無措

中謝

竊以禁林密署實為多士希

逢蓋于侍從語言之餘責以論思獻納之效才如蹇淺  
莫逃闕筆之譏思匪淹該虛辱調羹之寵當得瓌傑來  
承燕閒伏念某燈火窮研草茅賤處討論潤色既非鄭  
國之才號令文章莫究漢家之制幸身逢於盛際遂名  
玷於詞科初登秘省之嚴旋領憲臺之寄瞻玉堂於天

上如隔塵凡覩華蓋於日邊忽蒙光耀任寄絲綸之重  
寵觀草藁之能幸侍清光曷酬恩命恭惟皇帝陛下道包  
天地功光祖宗四夷伸向化之誠列鎮有歸朝之請月  
將日就彰聖學之緝熙春育海涵赫皇王之維辟念人  
才當隨其小大于問學無間其精粗遂俾顛愚叨居清  
要臣某敢不勉肩職業思盡忠規以濟時道行為心不  
違其素變締章繪句之習竊媿非才

元和二年司徒杜佑乞致仕表

伏以竭其力致其身親受君恩之大進以禮退以義願  
全臣節之恭俯憑愚衷仰干宸聽中謝竊念某早緣門  
廕遂忝仕流始應郡縣之除旋奉省臺之寄三居劇郡  
甚乖經理之方屢鎮雄藩尤繆靖綏之畧思贊襄而上  
報終玩愒以中慚敢望眷求復加超擢攝居家宰既使  
正位于百官貴極司徒尚令敷教於羣士老冉冉其已  
至心摇摇其若何每虞簪筆於甘泉有妨賢路所願掛  
冠於神武遠為逸民輒敢上瀆於威嚴庶可少休於閒

散恭惟皇帝陛下明昭聖武勤儉天姿尊禮大臣有漢  
高之度保全勲舊有光武之仁顧惟老臣尚縻天祿倘  
遂山林之想敢忘天地之恩伏望聖度包荒大明委照  
舍廟廊而處散地俾安投老之心在江湖不忘其君敢  
弛平生之志

元和四年魏稠謝贖故第表

伏以先基弗紹豈勝傳舍之慙聖澤旁流終獲有家之  
慶深荷生成之賜大蒙覆載之恩

中謝

臣某草莽微踪

繩樞賤迹簡編為樂莫尋楊氏之一區饘粥居貧何有  
相如之四壁有負箕裘之責遂聽堂構之承上雨旁  
風曷馬止息歷年易歲將就沉淪敢圖上聖之洪恩申  
念忠臣之遺裔下內廷之詔責令所司出外藏之金俾  
全其舊問蒞松而無恙閱戶牖以依然負此恩私曷勝  
荷戴恭惟皇帝陛下禹湯勤儉堯舜寬仁雖九重黃屋  
之居不遑寧處使四海蒼生之業咸有依歸肆令白屋  
之餘民亦復青氈之舊物臣某敢不上告祖禰下及子

孫時語時言俾輸忠於世世爰居爰處使知本於尊尊  
元和二年李吉甫上元和國計簿表

伏以聖人德洽民生深念版圖之重臣子恪恭厥職

原闕



--	--	--	--	--	--	--	--	--

玄宗開元某年姚崇帥百官賀太陽當虧不虧表

伏以天象示人歷數兆成於變異聖心享帝曜靈無損  
於光輝明著觀瞻歡騰率溥伏以天之高也史歷可致  
於千年日有食之經傳謂失於再閏允念凶時之代謝實  
由七政之推移於鑠陽明有符君位六合俱照式昭管  
子之言十月之交恐起周詩之刺方清臺謹盈胸之則  
而當宁嚴修省之心日新又新鑒湯銘之在器當食不  
食皎義馭以行空離兩繼明乾元同運恭惟皇帝陛下  
璿璣齊政玉燭揚光謂東門之朝王者當嚴於舊典而

西谷之餞臣子盍務於攸司上下交修君臣相戒遂使  
赫赫煌煌之象允符巍巍蕩蕩之功輦路清夷雲衢肅  
穆臣某等慨當駒隙幸際龍飛雖迫暮于桑榆每傾心  
于葵藿羣陰盡退竦瞻一輪五色之華萬國同明將致  
合璧連珠之應

賀野蠶成繭表

伏以帝功成化樂羣動之含生野繭呈祥昭二儀之美  
貺封章輦奏率土騰歡中賀竊以婦功之勤蠶事為重

姬周勤儉后妃躬就于三盆劉漢興隆嬪御亦親于  
六館未有化由天造成匪為人紛以滋繁不假柔桑之  
育自然動息奚煩燠室之居攔雪繭之紛紛燦素絲之  
濯濯如甕如盎厥筐厥包為公子之衣裳章身有耀薦  
聖人之黼黻景命維新共知和氣之致祥孰謂太平之  
無象恭惟皇帝陛下緝熙聖學潤色先猷省禹貢織縞  
之文令四方無來獻同漢帝締紵之好於萬年其永觀遠  
窮日月之照臨允叶天人之精稔亨嘉所會福慶大來

肆令蝟蝟蠢蠢之微用為赫赫明明之應亘古所鮮惟  
聖為然臣某等幸服邇僚親逢休美載書史冊昭治衮  
於昌辰爰咏豳風比足衣于樂歲

武宗會昌中李德裕上丹宸六箴表

伏以聖度如天誕闢忠嘉之路臣心就日庸修箴敬之  
辭俯瀝微忱仰干睿覽中謝竊以周公無逸陳王業之艱

難尚父丹書謹君心之敬怠粵惟古聖克監昌言故國  
家有道之長為萬世不刊之法臣何為者心切慕之用昭

丹表之陳寅上金屏之御宵衣警怠正服禁奢罷獻則  
珍好無所容納誨則嘉言罔攸伏辨邪杜僉壬之感防  
微絕游幸之虞朝夕于斯出入庶資於觀省春秋匪懈  
政治有介於昭明敢因翰墨之勤上瀆冕旒之邃恭惟  
皇帝陛下命膺傳序運履重熙誦武公抑戒之詩謹成  
湯盤銘之戒念茲皇祖謨謀綿萬代之基迪惟前人嗣  
續厚億年之裕凡其聖哲實稟生知亦何待於微言  
始克明於俊德徒以拳拳之志庸申戀戀之忠進冒威

嚴退懷兢灼臣某心傾葵藿識媿芻蕘接乎目警乎心  
願紀日新之盛致其身竭其力敢忘辰告之誠

文宗開成三年百官賀騶虞表

伏以昊穹眷命丕昭聖作之符瑞獸應期實表君臨之  
德事傳圖籙慶決寰區中賀竊以龍馬負圖妙庖羲之畫  
卦麒麟在圃彰黃帝之垂衣蓋當有道之時必有非常  
之應乃如今日信合昌辰貌首虎身允矣羽儀之盛墨  
文白質祭馬文采之新外猛以威內仁而信出逢興運



品族曷比其形模德著好生芻食匪同於優畜用著君  
心之厚以昭王道之成恭惟皇帝陛下祇適先猷茂膺  
神策流行化育導迎天地之和造化生成大集山川之  
祉遂令靈物產彼藩邦掩千載之前聞明諸福之畢至  
宜薦郊廟以紀簡書臣某等幸服適僚親逢休應願同  
周國叶二南以咏歌將見虞廷聞九韶而率舞

擬江淞省奏奉化州麥瓜並瑞表

伏以治格天休祥開地寶生雖異種咸歸造化之功出

若相符並薦國家之祉俯陳圖謀仰進宸旒中賀竊以生  
物至多非常者異兩岐秀麥咏歌曾見於張堪並蒂生  
瓜事實聿彰於王濬眷此長汀之壤實當巨海之衝自  
西自東迺疆迺理方夏畎黃雲之候及秋風白露之期  
萃二美以踵來掩前聞而特著民生有樂庸陳懞懞之  
歌國本無疆載著綿綿之咏允念甸人之獻誓殫野老  
之辭恭惟皇帝陛下大德難名至仁廣被調四時之玉  
燭齊七政之璿璣克配彼天帝命已成於率育獻諸皇

祖廟祧遂格於精禋敷錫庶民本支百世興懷古往南  
宮憐馮異之情寤寐賢人東陵起邵平之隱精誠夙契  
福履其綏肆令下邑偏州有此嘉祥美瑞臣某恪居藩  
服恭望闕廷永惟至氣之和足應太平之象執豆籩而  
左右莫陪薦鮪之誠羅饌實以後先欲表中締之敬

天壽節賀表

伏以飛龍在天誕啓乾元之運流虹遶渚丕昭震風之  
符宇宙均歡神人共慶

中賀

恭惟皇帝陛下聰明文武

濟哲寬仁持盈守成四海仰舜裳之治考圖數貢萬方  
修禹甸之誠聖壽無疆邦基有永臣某親逢華旦阻守  
偏州北闕推恩普仰皇明之盛南山獻祝敢忘臣職之

恭

皇后箋

伏以聖人履極於昭泰運之開文母思齊式厚坤元之  
助俯申壽祝仰對昌期

中賀

恭惟皇后殿下和順柔徽

康寧貴富中宮正位益新禴翟之華萬國承恩丕相袞

龍之治與天齊壽如月之恒臣某職守偏州心馳上國  
效華封之祝頌願竭忠誠想長樂之威儀尤深抃舞

皇太子箋

伏以天開上聖誕昭曼壽之期位正元儲丕覩重光之  
運三宮喜慶四海頌聲恭惟皇太子殿下仁惠慈和溫恭  
謹恪問學得三善之要本文綿百世之傳奉命總戎光  
輔清平之治承顏問寢欽成孝養之娛謀叶燕貽寵綏  
鴻祉臣某職縻下邑心屬清朝想內殿之縟儀實深鼓

舞占前星之瑞采尤切歡娛

儼佛郎國進天馬表

伏以龍在天而啓運誕開亨泰之基馬行地以應圖丕闡  
承乾之用仰承教育俯效驅馳中謝竊惟王者受命以中

興必有神物負祥而特出故神龜呈洛大禹因之以敘  
疇鳴鳳在岐文王因之而演易矧騏驎為有德之比而  
駮牝配秉心之誠背負竒文遠浥滎河之潤眼騰異彩  
上儲房宿之精可萬里以橫行實千金之駿骨宜備十

二開之選以陪九五位之臨邈邇遐方效茲上國允鑠  
邦家之瑞於昭圖牒之光恭惟皇帝陛下道合生成  
功侔覆載長轡以馭率皆四海之良所寶惟賢何但  
萬人之傑肆致權奇之產實惟僻遠之區騁步武于  
雲衢冀須一顧應鑿和于輦路宜在斯時禮重來王貢  
通重譯臣某效牽羣牧敬表微忱備立仗於九廷願同  
率舞薦樂歌於七廟式覩聲容

榮陽外史集卷六十一

欽定四庫全書

滎陽外史集卷六十二

明 鄭真 撰

表

晉王之國謝表

欽蒙聖恩于洪武十一年某月某日就鳳陽府起程某  
月某日至國者伏以君父尊親恩深子育价藩是輔拜  
命惟榮方當建國之初敢後明廷之禮臣聞聖皇啓運



必封建子弟親屬蓋欲同心協力以屏扞帝室也維茲  
太原地方數千餘里控制西北蕃部表裏山河古今勝  
要自非撫馭得人何以輯寧夷夏伏念臣某生長宮闈  
習知富貴幸以義方之教粗知事理之宜乃今寵膺金  
冊位列親王備車輅之盛儀樹一方之臣屏修程善達  
幸遂平安父老祇迎具宣德意皆聖神之所致豈稚弱  
之能為中謝欽惟父皇陛下德盛君臨詒謀燕翼謂周  
封同姓所以強本支漢列諸侯亦以厚宗族遂令弱息

出鎮大藩臣某敢不敬遵成訓期永基圖練軍政以撫  
邊隅嚴教令以靖民俗上以答天地之造下以伸臣子  
之心謹奉表稱謝以聞

臣某不才忝中都臨淮縣教職洪武十一年二月初  
六日奉晉王殿下令旨召入講說春秋大義王從容  
問曰表文體制若何臣謹對曰表係人臣告君之辭  
詞貴謹恭意貴暢達不在雕巧自漢歷唐及宋體各  
不同今朝令去駢儷舊習最為得之王曰親王之國

表若何臣謹對曰臣於宋南渡時嘗見史丞相浩撰建王謝恩表汪內翰藻撰嘉王謝賜及第表至于親王之國表臣未之見也王曰爾試撰一通臣謹對曰臣疎賤之才于大手筆撰述豈敢輕擬且王府長史紀善以下皆以文章鳴臣不敢逾越因進講春秋左傳日既中罷講王復申命之臣謹對如初王曰爾為之臣退具藁初八日啓呈王命臣讀一過王為稱善且曰表信難為臣謹對曰於今日體制尤難臣所撰言詞淺陋惟殿下裁擇王

曰然因進講春秋胡氏傳既罷謂臣曰爾可於國學  
諭旨令助教劉子顯孫大雅各撰一通以來臣既敬  
領旨意因錄表藁并識問答語以侈榮遇云二月初  
九日臣真謹識

三月初一日晉王府紀善括蒼李璉純夫以書報曰  
前日所撰之文上見甚說特賜見用彤廷且請再撰  
箋文真復書再三辭之併錄以紀一時文之用不用  
不論也

代留守司僉指揮事張勝升除留守指揮使謝表

洪武十一

年戊午

欽惟聖恩授臣留守指揮司指揮使已於某月某日上  
任者伏以留守之司軍民重任使名顯授拜奉恩榮於  
荷戴以維深思報稱其曷已伏念臣某生自畎畝初無  
藝能上遇聖明列在行伍喜際飛龍之會殊無汗馬之  
勞衣被服乘歲承賜與武階顯爵日致超除今自留守  
僉司升華使節建牙視篆長於同僚顧謗材之匪堪欲

控辭而莫敢

中謝

欽惟皇帝陛下文德武功奉天承運

混華夷之一統受玉帛以覲朝乃睠中都視漢豐沛宸  
居之美觀扈衛之攸同遂致臣微就膺寵擢臣某敢不  
仰遵成命俯致微軀修武備以衛邦畿永祝萬代太平  
之業用以伸臣子之心焉

濠梁衛指揮使周俊李某謝賜田表

伏以良田廣畝衣食所資上聖垂恩均承寵賜鞠躬拜  
命喜懼交至伏念某等本出賤微初無技業伏遇陛下

龍興荷戈執戟備列行伍今者榮膺使職服勞環衛衣  
冠佩綬榮耀鄉里茲又顯奉玉音賜中都府所屬定遠  
田土各四十頃餘常俸重祿之外復使耕稼取足顧惟  
臣微何以得此欽惟皇帝陛下戡難定亂宥過錄功憐  
臣等布衣舊人粗効綿力故錫膏腴之壤俾享有秋溫  
飽適於闔門祀祭及於先代臣之此心無以為報臣某  
等誓當堅所職業兼盡農功歌豳風載良耜日與斯民  
同樂太平以盡餘齡則區區之至願也

鳳陽衛指揮使司權僉事杜福實授謝恩表

洪武十二

年五月內准牒  
文修撰後同

伏蒙恩授臣福鳳陽衛指揮使司僉事者伏以鳳陽重  
鎮扈衛京畿進攝僉司寵承真擢念庸材之弗稱於荷  
戴以惟深

中謝

欽惟皇帝陛下聖神天運剛健日新廣

延輔弼之英普致昇平之治萬年其永庶績用成遂令  
行伍之微忝貳建牙之重華階全祿祇奉殊榮下及所  
司恩命同日臣某敢不益勤職業務致忠忱願成藩翰



之功以報生成之德

懷遠衛親軍指揮使司權僉事趙彬蔣和謝彬實

投謝恩表

伏以聖恩實授臣彬臣和臣彬懷遠衛親軍指揮使司  
僉事者伏以使僉進攝已荷殊榮詔旨真除拜恩廷陞  
伏念臣彬等行伍賤微非有將畧雲龍際會嘗奉命以  
驅馳而獻凱上功莫知報効今自千夫之長權貳懷遠  
使司未及滿歲賜之實授兼以全祿寵及三臣之厚允

為任選之華自揆匪材豈勝荷戴

中謝

欽惟皇帝陛下

盛德如天功成混一制作傳於萬代文教洽于四方猶  
致材賢用為佐輔遂令謏薄亦忝升華臣某等敢不夙  
夜同心力思報稱視軍民為一體奉法令之公平京畿  
靖謐海宇永寧則區區之至願也

長淮衛親軍指揮使司權僉事錢聚王立實授謝

恩表

伏蒙聖恩實授臣貴長淮衛指揮僉事者伏以建牙列

鎮宜得殊材僉攝何能迺承具擢既厚賜之全祿復寵錫以華階喜幸惟深撫躬弗稱

中謝

欽惟皇帝陛下文

武聖神上受天命大啓升平之運遂成永久之基任賢投能小大並用遂令行伍之微參佐使名之重下及所屬共荷明恩臣某等敢不恭致忠忱協同心力願保長淮之盛觀永為畿甸之藩維

鳳陽左衛指揮權僉事李廣輔曹某實授謝表

伏蒙聖恩實授臣廣輔臣某鳳陽左衛僉事者伏以任

列使僉幸承進攝聖心寵眷遂拜真除伏念臣某等生  
自隴畝忝入行間而長於千夫隸于列衛自惟駑鈍下  
材敢望官聯之重茲者權貳使司已為弗稱未云滿歲  
而實授全祿下及將佐所屬同拜恩命念謏薄其匪堪  
思報稱其曷已中謝欽惟皇帝陛下聖資英武天性聰  
明合玉帛以會朝成車書之一統太平政治廣任材賢  
何期草芥之微亦在升華之選臣某等敢不務致忠誠  
服勤所職願護京畿之固上答天地之恩

鳳陽右衛指揮使司權僉事高貴崔雄實授謝恩

表

伏蒙聖恩授臣貴臣雄鳳陽右軍指揮使司僉事者伏以聖明在上任重軍民攝職使僉遂承實授寵以武階之重兼之俸賜之全仰德惟深撫躬不稱

中謝

欽惟皇

帝陛下文武聖神受天眷命廣弼亮謀謨之助成久安長治之基遂致庸愚亦蒙寵擢臣某等敢不恭承明命務致忠忱用據心膂之勤永保藩維之固

鳳陽中衛指揮使司權僉事董暹許富謝實授表  
伏蒙聖恩實授臣暹臣富鳳陽中衛指揮使司僉事者  
伏以使僉弁攝曾未逾時武爵通階復蒙實授祇奉絲  
綸之命仰承天地之恩伏念臣某等生逢聖運辱在行  
間固嘗奉命以周旋自謂非功而授祿惟列衛軍民之  
重當得智勇果毅之材豈此庸愚俱膺升擢俾貳使名  
之選蕪之俸賜之全荷戴惟深莫能報稱  
中謝  
欽惟皇  
帝陛下上聖生知武功文治重股肱心膂之任成萬代

宏久之基遂使臣微亦承恩命臣某等敢不勉忠所職  
益務同心永言扈衛之勤以報寵榮之盛

留守指揮使司權僉事李徵高成謝實投表

伏蒙聖恩實授臣徵臣成留守指揮使司僉事者伏以  
京畿守衛任重留司仰廷陞之洪恩由權僉而實授撫  
躬不稱頓首知榮竊念臣某等生自畎畝列在行伍委  
身致力嘗効驅馳長於千夫授以勇爵自揆非材已為  
踰分茲又進攝留鑰參佐軍政未云滿歲遂使為真既

忝官聯之盛復承俸賜之全下至所屬將佐拜恩同日

其為寵幸拜舞惟均

中謝

欽惟皇帝陛下文武聖神萬

方一統與天地同其大並日月以為明任賢使能錄功  
取善內外大小之臣各務所職遂令草芥之微亦貳使  
名之重臣某敢不勉思報効益勵忠勤協僚佐以同心  
率軍民而安業邦家永寧惟深祝頌

徐州衛權千戶姓某謝實授表

伏蒙聖恩實授臣某等徐州衛某所千戶者伏以盛德



如天昇平致治武階實授深荷寵榮

中謝

欽惟皇帝陛

下濬哲文明混一海宇登庸輔弼眷念功勲遂令行伍  
之微亦忝錫賚之重爰及五所受命同時俾攝為真授  
以全祿允惟天地之大普同覆育之恩臣某等敢不務致  
忠勤共懷補報仰丹墀而稱謝伸臣子之至情

廣信千戶所謝賞賜表箋二道

上位表

上言聖明在上式廣仁慈綵綺華縑普同恩賜撫躬弗

稱拜手知榮 中謝 欽惟皇帝陛下文武生知應時撫運

粲黼黻以成文垂衣裳而致治是以眷念功勲賞同中外  
筭頒之盛春育而海涵矣臣某荷承寵命祇受奚勝  
用成制度之宜期致忠忱之報

東宮箋

上言內府文縑式華寵賜仰瞻青禁拜命惟榮 中謝 敬

惟皇太子殿下講學崇儒記功錄善輔堯舜衣裳之治宏  
博施濟衆之仁雨露恩覃同于中外實為盛矣臣某等

守禦山城莫趨廷謝恒思補報以頌重暉

廣信千戶所賀蒙古部衆來降表箋二道

上位表

上言命將行師式嚴天討遠人效順用奏成功肅清朔漠之區  
盛展內朝之賀中謝欽惟皇帝陛下聖神啓運一視同仁普令  
聲教之同大正車書之統惟茲外域每示柔懷遂使旃裘之民  
悉為冠帶之俗恩均樂育德遂生成而歌頌承平惟其時矣臣  
某職司守禦幸際休明願陳王會之圖恭上萬年之壽

東宮箋

上言聖訓尊嚴王師利用日月普同於臨照遠人悅慕  
以歸誠瞻仰東宮四方來賀

中賀

敬惟皇太子殿下德崇

主羈位應前星輔成一統之功大啓千齡之運遂令漢  
北抃舞趨朝暎將帥之効勤聞凱歌之屢奏王庭萬里  
雨露春融海寓其永寧矣臣某等承恩守禦莫效忠忱  
願從億兆之心敬上清平之頌

廣信府千戶所謝增俸表箋二道

上位表

上言命官以賢式資文武品秩由大小而定俸祿以整  
數而增拜命自天撫躬何稱中賀欽惟皇帝陛下至聖

至神應期撫運德並天地之大春涵雨露之濡念及臣  
工益其祿養斗斛之量不用其餘溫飽及乎闔門仁厚  
同乎海寓臣某忝司守禦允賴生成深荷仰承俯育之  
恩當效竭力委身之報

東宮箋

上言朝廷養賢德如天覆文武內外之職俸祿以類而  
增瞻仰青宮惟深抃舞 中謝 欽惟皇太子殿下溫恭敏哲  
寬厚慈仁侍膳問安輔成政治遂致公儲之富每臻樂  
歲之豐矧念臣工歲支月給斗斛俱登整數升合不論  
其餘俯拜鴻恩何能為報臣某等幸及同僚均涵盛賜  
飽食不忘於字育委身當致其忠勤

滎陽外史集卷六十二

欽定四庫全書

滎陽外史集卷六十三

明 鄭真 撰

表

懷遠衛親軍指揮使司賀正旦表箋三道

洪武六年閏十月

一月三日承  
本縣牒文

皇帝表

上言三陽之月天地開泰上聖在御萬方來賀

中賀

欽



惟皇帝陛下盛德難名仁恩廣被普天罔不臣服  
肇協寅正之序永臻萬壽之期伏念臣某等奮自行伍  
職居列衛嘉與三軍同深祝頌欣抃之私倍萬倫品

中宮箋

上言月謹寅正天地合德禮正東朝萬邦展賀

中賀

敬

惟皇后殿下中宮正位聖哲同尊肅雝之德助成內治  
履端謹始海寓咸春臣某等忝荷深恩職列環衛報効  
之心未及萬一惟與僚屬上祝億萬齊年為宗社之福

東宮箋

上言行夏之時萬代常法東宮展禮福履攸宜中賀敬惟

皇太子殿下溫文肅恭仁慈敏哲謹三朝之間禮參九重  
之政治宗社基本海宇屬心而臣某等忝荷深恩職司  
環列不能效重暉之頌惟與軍士同增鼓舞

留守指揮司正旦表箋三道

洪武六年閏十一月三日  
本縣牒文

上位表

上言獻歲發春王正謹始聖人南面朝貢會同凡在宇

內莫不稱頌

中賀

欽惟皇帝陛下道本生知性由天縱

沛江海之量合天地之德自北自南無思不服而臣某等遭逢盛代與司留鑰不能報効萬一惟與僚屬仰祝明聖萬壽與天地海岳相為永久

中宮箋

上言月謹王正天開一統博厚配地萬壽齊年

中賀

敬

惟皇后殿下表正柔儀輔成內治玉冊金相增輝椒殿  
翬衣榆翟介祉蘿圖際此履端之月用展宮闈之禮

某等忝荷盛恩職掌留鑰謬承靖綏之畧實深祝頌之  
誠瞻戀廷階喜倍常品

東宮箋

上言泰來集吉震長是宜瑤厯增華青宮展賀

中賀

敬

惟皇太子殿下賢居儲嫡望崇主器溫文恭敬本自天成  
禮樂詩書日敏于學際此三陽之月永增福履之新而  
臣某等自愧非才忝司留鑰瞻仰前星謳歌祝頌為宗  
社生民之福

濠梁洪塘湖屯田千戶所正旦表箋三道

洪武六年閏月

廿四日

上位表

上言春王正月麟經謹始三朝嘉會萬福來同凡在宇

內莫不稱賀

中賀

欽惟皇帝陛下堯仁天縱湯德日新敷治

象於多方播仁聲於庶類宇宙兩間嘉應備至所謂先天而天弗違者矣臣某等忝戍屯田不能布宣德意惟與耕稼之民載歌豳風以祝億萬年之壽

中宮箋

上言月在三陽道隨泰長宮闈展禮福履攸宜

中賀敬

惟皇后殿下性稟儉慈躬行柔順體家人之正位成闕  
睢之美化肇臨盛旦修列多儀臣某等忝戍屯田慙無  
寸效惟與畝畝之民及時耕稼上祝億萬齊年之壽

東宮箋

上言月謹天正履端維始東宮展禮萬邦來賀

中賀敬

惟皇太子殿下賢居嫡長望崇主愛鶴駕撫軍暢威聲於遠邇

龍棲問寢謹孝敬於朝夕肇臨吉旦倍膺多福而臣某  
忝戍屯田不及躬詣廷階惟與耕農瞻仰前星為儲闈  
之喜

濠梁左衛指揮使司正旦表箋三道

洪武六年十  
二月臨淮縣

牒文

上位表

伏以月正上日鳳曆頌春四海一家會同展賀

中賀

飲

惟皇帝陛下治定功成禮興樂作宇宙之內咸囿泰和

是以上受天命基盛業於萬年也臣某等忝戍中都備  
員左衛茂際明時敬做嵩呼之三祝

中宮箋

上言三陽交泰厚德承乾禮正宮闈萬方來賀

中賀敬

惟皇后殿下恭儉慈仁齊莊柔淑施政教於闈門肅母  
儀於天下肇臨正旦品物皆春臣某等忝居左衛茂際  
熙辰敢竭微誠祝億萬年之壽

東宮箋



止言天開泰運夏正建寅禮正東宮履端展賀

中賀敬

惟皇太子殿下溫文肅恭仁慈勤儉謹三朝之盛禮係四海之歡心屆此熙辰永膺多福臣某叨職左衛無補涓埃惟與僚屬同深祝頌

鳳陽左衛親軍指揮使司正旦表箋三道

洪武七年

年冬十一月承臨

淮縣縣文預撰

上位表

上言王正書春肇新治象聖神左御臣庶同懽

中賀

欽

惟皇帝陛下啓運法天生知盛德文教武功高冠前古  
際此三陽之月茂膺吉履之綏宇宙泰開諸福畢至臣  
等備員左衛莫綴班聯壽考萬年維深祝頌

中宮箋

上言天開泰運歷象維新椒殿正儀萬年齊壽

中賀

敬惟

皇后殿下性全徽懿德茂儉慈中壺母儀助成內化際  
此三陽永膺福履臣某等備員左衛莫補事功瞻仰宮  
闈實深祝頌

東宮箋

上言春正王月敬授人時位正儲宮萬邦同賀

中賀敬

惟皇太子殿下溫文肅恭禮成主宅問安侍膳敬謹惟時  
好道崇儒日新講學億兆衆庶歌頌攸歸旦告三朝茂  
膺福履臣某等忝居左衛莫任撫綏瞻仰前星千秋祝  
頌

留守指揮使司正旦表箋三道

上位表

上言春秋書春王正月孔聖論行夏之時皆所以正一

統之義也

中賀

欽惟皇帝陛下受天明命撫御華夏敷

治象於內廷播仁聲於廣寓際此三陽茂膺福祿臣某  
等忝司留鑰莫綴班聯萬壽維祺實深祝頌

### 中宮箋

上言歷象維新九寓一統內廷受賀嘉禮攸宜

中賀

敬惟皇后

殿下淑德徽慈中宮正位表萬邦之淑儀助億年之至治  
際茲盛旦福履其綏臣某忝司留鑰莫補事功仰瞻廣

內上祝齊年之壽

東宮箋

上言宇宙春開璿璣示厯儲宮受賀嘉禮攸宜

中賀敬

惟皇太子殿下溫文肅恭禮成主鬯左右輔翼莫匪正人  
故能衍本支於萬禩永福祿於千秋某備負留鑰茂對  
重暉瞻仰前星惟深祝頌

洪塘湖屯田千戶所正旦進賀表箋三道

上位表

上言獻位發春肇新治象萬方來賀臣子之至情中賀  
欽惟皇帝陛下文武聖神撫膺景運天之所覆莫不臣  
服盛德鴻業與天地永久際茲盛旦福履咸綏臣某等  
忝職屯田莫補寸功仰迓陛下九重祝萬年之眉壽

中宮箋

上言正月上日治象維新厚德承乾萬邦來賀中賀敬  
惟皇后殿下正位宮闈母儀天下輔九重之盛治成億  
載之弘基際此三朝茂膺福祿臣某等忝職屯田莫聯

班綴升瞻椒殿壽祝齊年

東宮箋

上言四海會同萬年景運青宮正位福履維宜

中賀敬

惟皇太子殿下德盛溫文位崇震器人心允叶歌頌攸宜  
際此三陽茂膺吉履某忝職屯田仰瞻鶴禁千秋祝頌  
用表寸忱

懷遠衛親軍指揮使司正旦進賀表箋三道

上位表

上言聖人法天道以授人時所以正一統之義也獻歲  
敷春萬方來賀中賀欽惟皇帝陛下天統生知聖神文  
武際天所覆罔不臣服制禮作樂高冠前古際此三陽  
開泰茂膺福祿之宜臣某等備員列衛莫補事功惟與  
僚屬上祝億萬年之壽

中宮箋

伏以春回椒掖厚德承乾禮謹三朝內廷受賀中賀敬  
惟皇后殿下正位宮闈助成內治萬方四海咸仰母儀



際此三陽萬福具臻臣某等忝職中都莫陪班綴仰天  
闕之九重祝齊年之萬壽

東宮牋

上言正月上日敬授人時禮正儲宮萬方贊頌中賀敬  
惟皇太子殿下恭敬溫文以賢以長庶務參決深知治體  
燕翼延裕衍本支於萬禩某忝職中都欣逢盛旦瞻仰  
前星上千秋之祝

懷遠衛親軍指揮使司正旦進賀表箋三道

洪武九年

正月 洪武八年  
冬准臨淮縣公文

上位表

上言正月所加同乎遠邇龍墀受賀聖壽萬年

中賀 欽

惟皇帝陛下聖知武文君臨海寓法堯舜之盛治廣陽  
德以如春屆此王正永膺福祿臣某忝荷殊恩職司列  
位瞻仰九重之邃共陳祝頌之誠

中宮箋

上言正月上日鳳歷授時椒殿受朝懽同海寓

中賀 敬

惟皇后殿下德盛齊家助成內治懋著二南之教盛陳  
廣內之儀臣某等忝司列衛何能報効惟與僚屬祝萬  
年之齊壽

東宮牋

上言夏正建寅四時合序春宮盛禮中外均懽

中賀敬惟

皇太子殿下天稟英姿以賢以長謀貽燕翼祚衍本  
支禮謹問朝德新講學際此會同盛旦肇開鶴籞之華  
某忝司列衛莫報忠勤敬歌漢頌之重暉永祝千秋之

福祿

留守指揮使司正旦表箋三道

上位表

上言治厯明時聖人所以敬天勤民也陽日維春萬方  
來賀中賀欽惟皇帝陛下受天明命德盛君臨武功告

成文教廣被制禮作樂永為後代法唐虞三代何以加  
焉臣某等忝司留鑰深荷鴻恩祝聖壽之萬年與天地  
其永久

中宮箋

上言正月朔旦泰運天開椒殿受朝萬年齊壽

中賀 欽

惟皇后殿下正位中宮母儀天下闕睢萬覃之詩見諸  
詠歌屆此三陽永膺吉履臣某等留鑰所司實承重寄  
敬瞻廣內致臣子祝頌之誠焉

東宮箋

上言聖門論治行夏之時萬國會同青宮獻壽

中賀 欽

惟皇太子殿下位崇主器盛德日新視膳備尊親之禮

問學得治平之要三陽開泰吉履其綏某忝司留鑰何  
補事功仰日月之重暉祝千秋之福祿

鳳陽左衛正旦表箋三道

上位表

上言璿璣示厯寰宇皆春萬邦皆賀臣子之禮也

中賀

欽惟皇帝陛下上聖生知華夏一統際天蟠地海涵春  
育屆此三陽萬福其臻矣臣某等忝居左衛莫効撫綏  
惟與軍民同祝萬年之壽

中宮箋

上言三陽之月道長泰亨椒殿受朝共陳祝頌

中賀敬

惟皇后殿下仁厚淑慈與天合德萬覃美教及乎萬方  
屆此正旦福祿同臻臣某忝居左衛食祿靡功嘉與軍  
民同祝齊年之壽

東宮箋

上言正月履端維新治政東宮受賀福履攸宜

中賀敬

惟皇太子殿下位尊主鬯以賢以長人心所係歌頌攸

同際此春正星暉海潤嘉貺備至海寓臣子咸願致其誠悃某備負左衛何補寸功千秋之壽共伸美祝

長淮衛指揮使司正旦表牋三道

上位表

上言堯典敬授人時孔子書春王正月所以示一統之義也海寓咸春萬邦來賀

中賀

欽惟皇帝陛下文武聖

神治教廣被制禮作樂為後代法唐虞之盛於今見之際此青陽萬年眉壽臣某等忝司列衛仰荷殊榮抃舞



之誠倍萬倫品

中宮箋

上言天開月吉，應象維新，盛會同之禮儀，仰中宮而獻頌。

中賀

敬惟皇后殿下慈懿淑柔，助成內治，懋著葛覃之教，用貽燕翼之謀。際此春陽，永膺福履。臣某等忝司列衛，重任曷勝，祝萬壽之齊年，與邦家而同永。

東宮箋

上言鳳應授時，春開萬象，青宮受賀，主器同尊。

中賀

敬

惟皇太子殿下英稟天成賢居嫡長侍從輔翼實惟正  
人禮樂詩書日新講學共際會同之旦永膺吉履之成  
其等忝荷殊榮職司列衛仰前星之美彩祝福壽之千  
秋

洪塘湖屯田千戶所正旦表箋三道

上位表

上言春王正月聖壽萬年玉帛會同邦家之盛禮臣子  
之至誠也

中賀

欽惟皇帝陛下法天啓運君臨萬方廣

鴻恩於海宇詠安樂於太平獻歲發春倍膺福祿臣某  
等忝職屯田曷勤報効嘉與兵農同陳祝頌

中宮箋

上言天正授歷萬象維新內殿受朝萬年齊壽

中賀敬

惟皇后殿下德盛淑慈中宮正位輔成治政與日月而  
同輝屆此三陽懋膺百福臣某忝寄屯田兵農事重共  
伸祝頌實倍至誠

東宮箋

上言獻歲發春青宮受賀邦家盛禮主器同尊中賀敬  
惟皇太子殿下恭敬溫文日新講學臣民頌美海內屬  
心際此三陽倍膺吉履某屯田忝職事重兵農祝福祿  
於千秋與前星而齊壽

長淮衛指揮使司正旦進賀表箋三道

洪武十年  
正月上進

洪武九年冬十一  
月准臨淮縣牒文

上位表

上言天開盛旦萬象咸春請祝聖人萬年福壽中賀

欽惟皇帝陛下神聖文武應運龍興正天下之常經立  
百王之大法衣冠禮樂海寓同懽臣某等忝衛長淮莫  
思報効瞻仰九重之上實深抃舞之誠

中宮箋

上言青陽獻歲天地皆春肇新內殿之華永集邦家之  
福中賀欽惟皇后殿下正位中宮母儀天下周南美教  
詠闕睚之歌際茲泰長之辰永介齊年之壽臣某等忝  
司列衛莫報恩榮抃舞之誠倍萬倫品

東宮箋

上言春開泰運厯象新頌禮正青宮輿情咸悅

中賀

敬

惟皇太子殿下溫恭端厚主器攸尊侍膳問安尊師重  
傳祇承聖訓問學維勤際茲獻歲之初爰受自天之祐  
某等忝司列衛莫効忠誠祝福壽之千秋上重暉之美  
頌

鳳陽左衛指揮使司正旦進賀表牋三道

上位表

上言玉衡示厯海宇皆春禮樂會朝萬方一統之日也

中賀

欽惟皇帝陛下文治武功法天啓運恩波遍乎遠  
邇謀猷協乎臣工唐虞三代之盛於今見之臣某等忝  
居列衛莫効忠勤祝萬壽以維祺與軍民而忭舞

中宮箋

上言天開泰運歲紀肇新仰瞻椒殿之華盛展會朝之

禮

中賀

敬惟皇后殿下徽柔恭儉正位中宮內教允修

裨宏聖治葛覃之詩見諸詠歌屈青陽之令辰集邦家

之福祿臣某等忝司列衛莫效忠勤祝萬壽之齊年致  
履端之善頌

東宮箋

上言王正肇建歲序維新禮盛東宮臣民懼忤

中賀敬

惟皇太子殿下天稟英姿位尊主鬯凡而修齊治平之  
要得諸問安侍膳之餘履端令辰重暉善頌某忝司左  
衛莫綴班駟仰瞻鶴籞之華共祝千秋之壽

留守司正旦進賀表牋三道



上位表

上言鳳歷新頒春為歲首華夏咸同於一統臣民共祝  
於萬年中賀欽惟皇帝陛下濬哲溫文應期撫運武功  
以成洪業文治以開太平宇宙涵生永成樂育際春陽  
之澤物協海內之歡心臣某忝司留守何補事功嘉與  
軍民惟深贊頌

中宮箋

上言青陽獻歲宇宙春和陳內殿之盛儀祝齊年之上

壽中賀敬惟皇后殿下位合乾綱母儀天下周南闕睢

之美教密贊謀猷際此春正倍膺福祿臣某等忝司留  
鑰莫效忠勤幸同海宇之懽願與天地同永

東宮箋

上言陽和布令物象皆春嘉禮重於東宮懽賀周乎寰海

中賀

敬惟皇太子殿下日新盛德主器攸尊侍膳問安

敬恭惟謹尊師重傅問學尤勤當鳳曆之授時介千秋  
之福祿某忝司留鑰何補事功仰鶴籙於九重陳重暉

之美頌

洪塘千戶所正旦進賀表牋三道

上位表

上言青陽應候物象咸春仰殿陛之九重祝聖人之上

壽中賀欽惟皇帝陛下受天成命撫育萬方偉禮樂之

成功混車書之一統梯山航海莫不來賓屬茲泰長之

辰永集邦家之福臣某忝司屯所事重農功盛衣冠之

會朝致華嵩之永祝

中宮箋

上言鳳扈肇頒春開萬象中宮盛禮福履攸宜

中賀敬

惟皇后殿下位並至尊柔嘉維則示母儀於天下成美  
教於宮闈密贊皇猷禪輔聖治有永怡愉之燕肇新內  
殿之華臣某忝職屯田莫思報効上齊年之美頌盡臣  
子之至誠

東宮箋

上言天開黃道鳳扈授時盛衣冠之會朝仰東宮之獻

壽中賀敬惟皇太子殿下禮尊主宅位正前星龍樓庶務之參聞深知政體人心允協大本尊崇式觀福履之成永介千秋之壽某忝司屯所農事維勤協豐年之雅歌致重暉之美頌

懷遠衛指揮使司正旦進賀表箋三道

上位表

上言宇宙春開人時敬授聖壽萬年臣子祝頌之誠也  
中賀  
欽惟皇帝陛下武功文治混一車書協虞夏之謀

猷合殷周之制作恩波遠洽詠歌太平際茲令旦之  
華茂時對陽之盛臣某等忝司列衛守禦中都敢效華  
嵩之呼願與天地共大

中宮箋

上言天有四時春為歲首盛衣冠之朝會祝多福之中

宮中賀敬惟皇后殿下溫柔肅恭母儀天下成周南之

美教嗣太姒之徽音際此履端維深贊頌臣某等忝司

列衛莫致忠勤敢陳向日之誠共祝齊天之壽

東宮牋

上言宇宙回春肇開壽域華夏混同於一統人臣共祝  
於千秋中賀敬惟皇太子殿下恭敬溫文位尊主鬯允  
協燕謀之永肇新鶴籙之華問寢承顏尊儒講學人心  
所屬歌誦允諧際此令辰倍膺多福某等忝居列衛莫  
致忠勤效漢頌之重暉與軍民而舞忭

六安州守禦千戶所正旦表牋三道

上位表

上言月正上日泰象天開盛禮會朝臣子之至情 中賀  
欽惟皇帝陛下上聖生知聰明睿哲武功文治輯寧海  
宇禮樂制度垂法萬代二帝三王何以過之屆此春陽  
倍膺福祿臣某等忝守州邑深荷鴻恩嘉與軍民同祝  
萬年之壽

中宮表

上言春王正月禮盛中宮萬壽齊年懽同海寓 中賀  
惟皇后殿下溫恭徽柔母儀天下肅雝美教闢睢萬覃  
敬



何以及之際此青陽永安吉履臣某等忝司行伍莫報  
寵恩仰內殿之尊嚴與軍民而祝頌

東宮牋

上言三陽開泰萬方一統青宮受賀方今之盛典

中賀

敬惟皇太子殿下天稟英姿溫恭敏哲德尊主鬯位映  
前星四海謳歌人心仰戴際茲盛旦而福祿其臻矣某  
等忝司守禦任寄軍民獻壽千秋喜踰常品

皇陵衛正旦進賀表箋三道

上位表

上言天開黃道鳳歷頌春四海會同萬年祝壽

中賀

欽

惟皇帝陛下應乾承運大闢皇猷禮制樂興遠人賓服  
是以百穀用成四時順序嘉祥咸至率普均懽際茲盛  
旦之華永集泰亨之告臣某等職衛皇陵莫聯班綴敢  
同葵藿之誠上致華封之祝

中宮箋

上言正月書春青陽布政萬方玉帛內殿受朝

中賀

敬

惟皇后殿下徽柔懿恭齊莊中正教本闢睢式同周妣  
示母儀於天下輔王道於宮闈際此令辰齊天介壽臣  
某荷承恩寵忝衛皇陵敢伸祝頌之忱用致履端之賀

東宮箋

上言青陽布令萬物皆春肇開鶴籙之華上祝千齡之

壽

中賀

敬惟皇太子殿下聰明天稟位正前星問道尊

師契修齊治平之要人心允協大本攸尊適茲泰長之  
辰永集邦家之福某等忝荷洪恩何由補報瞻山陵之

松栢與日月以常新嘉興軍民重暉祝頌

鳳陽衛指揮使司正旦進賀表箋三道

上位表

上言天開泰運鳳歷頒春民物阜安庶民咸賀

中賀 欽

惟皇帝陛下武功既定文教廣敷修法度正紀綱所以  
肇建宏規而衍億萬年之盛業也茲逢令旦茂介洪禧  
臣某等忝司列衛莫綴班聯瞻望九重恭祝萬壽

中宮表

上言家人正始玉業所基春滿宮闈中外同賀中賀敬  
惟皇后殿下柔順承天恭勤治內助成洪業母儀天下  
衍宗社萬年之永久茲逢正旦福祿是臻臣某等祇奉  
愬恩忝司列衛惟瞻望九重祝齊天之壽

東宮箋

上言春頌鳳曆喜溢青宮宗社安寧臣民相悅中賀欽  
惟皇太子殿下天縱英姿帝命是式承顏實謹於敬恭  
親傳益勤於問學是以德業日新令聞日廣而萬方所



滎陽外史集卷六十三

欽定四庫全書

集部

滎陽外史集卷

六十四至  
八十六

詳校官編修臣程槐

中書臣劉源溥覆勘

總校官陸調編修臣倉聖脈

校對官編修臣張燾

謄錄監生臣陳雷



欽定四庫全書

欽陽外史集卷六十四

明鄭真撰

表

鳳陽衛正旦進賀表箋三道

洪武十一年正月上  
進洪武十年冬十一

月內承臨准  
縣縣文修撰

上位表

上言春王正月車書一統仰會同之盛旦肇歷象之新

頒海宇同懽廷墀受賀 中賀 欽惟皇帝陛下至聖至神  
奉天啓運日月並同於臨照草木咸遂於生成是以萬  
方燕寧四時順序嘉祥日至詠歌太平當獻歲發春衣  
冠禮樂誠為盛矣臣某等忝衛鳳陽莫能補報上祝萬  
年之壽永期福履之成

中宮箋

上言三陽泰運海宇清平仰瞻廣內之華式展會同之  
禮 中賀 敬惟皇后殿下淑質天成柔嘉有則肅臨中壺

佐庶政以祇勤用能成萬年太平之基協麟趾闕睢之  
詠青陽布令福祿咸臻臣某等忝衛鳳陽莫聯班綴上  
祝齊年之壽以盡臣子之誠

東宮箋

上言陽春發育治象惟新正朔會同青宮獻壽

中賀敬

惟皇太子殿下濬哲在躬位尊主鬯崇儒問道講學祇  
勤於問安侍膳之餘得修齊治平之要金枝衍裕鶴禁  
增華當宇宙之春開效重暉之美頌某忝衛鳳陽日思

報稱共上千秋之祝普同四海之懽

鳳陽左衛正旦進賀表箋三道

上位表

上言聖人法天而啓運在乎治厯以明時當獻歲發春之初合萬方會同之盛頌聲有作中外同懽

中賀

欽

惟皇帝陛下至聖至神君臨海寓華黼黻以成文垂衣裳而致治梯山航海莫不貢琛允宜祚嗣之安求保基圖之固際茲泰長福祿攸宜臣等祇荷鴻恩職司左衛

仰盛代百王之禮樂祝萬年天子之春秋

中宮牋

上言春陽應律治象維新仰日月以同升奉椒宮而獻頌

中賀恭惟皇后殿下慈儉柔嘉六宮懿則衍金枝之奕

葉盛玉冊之穠華麟趾闕睢助成王道俾兆民之樂業  
成億載之治平際此泰亨倍膺吉履臣某等祇奉慈恩  
職司左衛共上齊天之壽敬伸善頌之誠

東宮箋

上言正朔天開會朝上日盛東宮之禮樂同華夏之懼  
心中賀敬惟皇太子殿下天稟英姿日新講學龍樓庶  
務深知治體虎闈三善允契師傅立萬年宗社之本係四  
海民庶之心際此春陽永膺福祿某忝司左衛何補事  
功祝重潤與重暉祝千秋而作頌

長淮衛正旦進賀表箋三道

上位表

上言文明之運肇紀春正萬年系序之傳百王禮樂之

盛謳歌壽域臣子敬恭

中賀

欽惟皇帝陛下神聖武文

受天景命號令之行海涵春育億兆民庶咸曰大哉王  
言一哉王心太平樂業皞皞然唐虞三代之治矣臣某  
等忝衛長淮鴻恩莫報恭仰堯階之邃用伸祝壽之誠

### 中宮賤

上言正月上日禮樂會朝備中壺之柔儀仰內廷而稱  
頌

中賀

敬惟皇后殿下並乾稱大助日為明用成一統

之基式正六宮之位教行海宇闕睢詠歌際泰運之肇

新宜倍膺於多福臣某等仰荷慈恩忝居列衛祝齊年  
之萬壽與天地以同尊

東宮牋

上言堯歷授時青宮盛禮上千秋之祝頌仰鶴籞之清  
華四海謳歌萬方玉帛中賀敬惟皇太子殿下溫文恭  
謹濬哲誠明問道崇師日新聖學百代本支之永萬年  
宗社之傳屆此令辰倍膺吉履某忝居列衛職守中都  
惟深就日之誠莫致重暉之頌



懷遠衛正旦表箋三道

上位表

上言春秋之紀王正舜典之稱上日示明一統之正永  
為萬載之傳禮盛廷墀萬方來賀

中賀

欽惟皇帝陛下

文德武功混一海宇勲賢大臣之佐輔真儒碩士之討  
論禮樂詩書允為盛治億兆人庶安樂太平際此陽春  
福履其成矣臣忝居懷遠守禦中都効臣子之忠勤祝天  
地而並壽

中宮箋

上言海寓青陽維新治象萬方禮樂中壺攸尊

中賀

欽惟

皇后殿下比德乾綱相時至治易象著順承之美周南  
成佐輔之功日月同明天地並位際新陽之獻歲宜福  
祿之駢臻臣某等忝居列衛勉效忠勤仰惟泰運之升  
平敢倣齊年之祝頌

東宮箋

上言月正上日道長泰亨盛禮樂於春宮祝千秋而獻壽

中賀  
敬惟皇太子殿下英姿純美盛德深冲問學兼三  
善之名嗣續係萬年之運左右前後罔匪正人於問  
安侍膳之中得立政為治之要陽春協應福履攸宜某  
忝居列衛莫報鴻恩仰廣殿之崇嚴占前星之明潤千  
秋祝頌喜倍常情

留守指揮使司正旦表箋三道

上位表

上言聖人在御鳳歷維新盛玉帛之會朝仰衣裳之至治

四海之內歌頌所同 中賀 欽惟皇帝陛下神聖文武受命自天子養兆民匪問遠近是以百穀用成嘉祥協應詩書禮樂與三王五帝同其盛焉臣某等忝司留鑰適際陽春歲有萬而呼三效華嵩之頌祝

中宮箋

上言王正紀月敬授人時登萬壽之齊年介中宮之福祿禮行內殿喜對慈顏 中賀 敬惟皇后殿下家人正位敷教六宮有順天助日之功致家齊治平之效葛覃卷

耳四海詠歌故當獻歲之初恭上萬方之賀臣某忝司  
留鑰效職中都敢陳祝頌之誠用繼思齊之雅

東宮牋

上言治厯明時春為歲首恭仰龍樓之邃式瞻鶴籞之  
華玉帛會同萬方來賀中賀敬惟皇太子殿下恭敬温  
文禮成主鬯於侍膳問安之餘得問學崇儒之實英聲  
懋著海宇歸心故當泰運之開永介千秋之壽某忝司  
留鑰心戀班行瞻仰前星喜踰常品

洪塘千戶所正旦表牋三道

上位表

上言正月令辰俾民觀象混車書之一統盛玉帛以來  
同受賀大廷中外胥悅中賀欽惟皇帝陛下文德武功  
肇新景運同日月之臨照合天地之生成海寓清平適  
逢今日際陽春之育物宜福履之駢臻臣某等忝膺武  
職尤習農功謹隴畝之三時呼華嵩之萬歲忻頌之至  
實倍常情

中宮箋

上言四海一家教行中壺盛禮樂於上日同中外之懼  
心中賀敬惟皇后殿下專靜懿恭柔嘉有則爰著闕睚  
之詠允為內則之賢位正六宮功成一統際此青陽獻  
歲茂輔禮樂盛平之治歌關雎葛覃之詩介福維祺貽  
謀有永臣某等忝衛鳳陽每思補報共上齊天之壽普  
同億兆之心

東宮箋

上言人時授厯泰運春開盛禮樂之儀容仰青宮而獻  
壽中賀敬惟皇太子殿下德溫玉裕福盛金枝宮闈敬  
備於承顏宗祀禮成於主鬯屬茲泰運歌詠清平某忝  
衛中都仰瞻鶴籙上千秋之美頌與海宇以同歡

鳳陽左衛正旦表牋三道

上位表

伏以上聖君臨車書一統寅正授厯海宇春開集萬國之  
會同奉玉帛而稱賀中賀欽惟皇帝陛下文武聖神應



天啓運盛典輯百王之制宏基延萬代之傳文物聲華  
於今為盛臣某等忝司左衛祇奉明恩歲有萬而呼三  
敢傲華嵩之祝

中宮箋

上言龍廷賜厯治象惟新禮盛中宮懽同率普

中賀  
欽

惟皇后殿下柔嘉維則助日為明輔聖人治教之成居  
天下母儀之盛燕謀貽永家邦以寧適歲旦之云初集  
太平之景福某等忝居左衛願効忠勤用伸就日之誠

同上齊天之祝

東宮箋

上言正月上日敬授人時天近龍樓春開鶴籞喜際會  
同之盛共瞻禮樂之華中賀敬惟皇太子殿下位應前  
星禮成主鬯問安視膳敬尤謹於承顏是以盛德日新  
聖心娛悅大本尊崇而萬方咸寧矣某仰荷洪恩職司  
左衛上重暉之美頌祝福壽于千秋

鳳陽中衛親軍指揮使司表箋三道

上位表

上言歷頒大統萬象咸春福壽維祺萬年祝頌禮樂聲  
名之盛天開玉筍之班中賀欽惟皇帝陛下盛德神功  
聰明文武應期撫運上順天心制作永百代之傳政治  
致太平之盛適臨華旦允集鴻禧某攝司中衛祗奉寵  
恩仰九奏之鈞韶祝萬年之聖壽

中宮箋

上言正朔會同禮成宮壺共樂太平之盛同伸祝頌之

誠中賀敬惟皇后殿下恭敬柔嘉母儀天下著易象順承之義協周詩勤儉之功儷日為明輔成聖治允致洪禧之集適臨獻歲之初臣某等祇荷寵恩攝司中衛祝齊年之上壽致向日之忠忱

東宮箋

上言春陽盛旦鶴籞天開仰重暉主鬯之尊合禮樂衣冠之會中賀欽惟皇太子殿下溫文恭敬以長以賢於問安侍膳之勤得用人致治之要是以大本尊安民心

樂育歌詠太平矣某攝司中衛祇奉明恩致千秋善頌  
之誠集邦家福祿之盛

鳳陽右衛指揮使司表箋三道

上位表

上言堯典稱敬授人時孔聖書春王正月所以明天道  
之正示人事之宜也玉帛會同萬方來賀中賀欽惟皇

帝陛下天地合德日月同明典誥緝黼黻之純禮樂著  
人文之盛延求儒雅輔成治功是以海宇安寧普躋仁

壽屆茲盛旦福祿其臻矣臣某係職中都忝司右衛用  
重軍民之寄維茲建立之初聖壽萬年誠深祝頌

中宮箋

上言寅正紀厯物象維新仰日月之同明覲內廷而獻

頌中賀欽惟皇后殿下聰明齊聖正位中宮輔唐虞之

治功比任似之盛德本支萬代母道尊安適當獻歲之  
初茂集邦家之福臣某忝司右衛蒞事云初効就日  
之微忱祝齊天之上壽

東宮箋

上言青陽應律海宇春開仰鶴籙之承華觀龍樓而獻  
壽中賀敬惟皇太子殿下毓德溫文承顏敬謹凡立政  
致治之要在宮廷唯諾之間致敬崇儒日新聖學茂衍  
本支之盛永臻福履之成某祇荷寵恩忝司右衛祝前  
星之齊壽效歌頌于重暉

青州護衛指揮使司表箋三道

上位表

上言鳳曆授時萬方正朔仰龍廷之禮樂祝萬壽之維  
祺中賀欽惟皇帝陛下濬哲聰明受天成命武功致一  
統之盛文治永億載之傳山海梯航咸奉玉帛際此會  
同之日倍膺福祿之臻臣某忝司護衛祇荷明恩永歌  
聖德之尊願鞏親藩之輔

中宮箋

上言欽若昊天寅為歲首盛萬方之來賀介多福於中宮  
中賀敬惟皇后殿下恭敬儉勤助成內治衍本支於百



代傳歌頌於闕睢盛旦肇新永安吉履臣某等幸司護  
衛祇奉洪恩瞻慈顏於內廷祝齊天之萬壽

東宮箋

上言天開盛旦萬象皆春式瞻主鬯之尊敬上重暉之

頌

中賀

敬惟皇太子殿下天性溫柔遵承聖訓謹侍膳

安之禮盛尊儒講學之功是以大本尊安宏基永久屬  
當歲序之新倍集邦家之福某忝司護衛願効忠勤仰  
鶴籙之承顏祝前星之齊壽

燕山護衛指揮使司表箋三道

上位表

上言堯廷授歷歲序維新際車書之混同奉玉帛而來  
賀太平景運率普同懽中賀欽惟皇帝陛下上聖生知  
武功文治定天下之大本成百代之宏基海宇咸寧民  
人以乂屆會同之盛旦宜福祿之駢臻臣忝護親藩祇承  
寵命祝聖人之萬壽與天地以長春

中宮箋

上言聖神臨御海宇清平仰內殿之尊嚴祝齊天之上  
壽中賀敬惟皇后殿下柔順儉勤中宮正位衍金枝之  
奕葉揚玉冊之摠華內治以成闕睢歌詠際茲盛旦福  
履其成矣臣某等幸荷洪恩職司護衛願壯親藩之輔  
共伸善頌之誠

東宮箋

上言鳳曆維新天開盛旦青宮受賀福祿來同中賀恭  
惟皇太子殿下天性溫恭位尊主鬯侍膳謹承顏之禮

尊儒親問道之勤重潤重暉咏歌盛德適際會同之日盛  
陳禮樂之儀臣某祇奉明恩忝司護衛祝千秋之福祿  
効臣子之至情

留守指揮使司正旦表箋三道

上位表

上言春王正月行夏之時盛禮會同家邦同賀

中賀  
欽

惟皇帝陛下恭承天命肇建宏基文治武功太平樂育  
際會朝之盛旦同率普之懽心民物春臺咸躋仁壽臣



上言正月上日敬授人時禮盛東宮萬方同賀

中賀敬

惟皇太子殿下德茂重暉位尊主宅鷄鳴問寢敬謹維  
時問道崇師功勤講學際此春陽吉旦倍膺福祿之臻  
某職忝留司願勤報効敬上千秋之頌永同率普之心  
懷遠衛指揮使司正旦表牋三道

上位表

上言天開正朔聖治維新集萬方之會同盛龍墀之禮  
樂用勤祝頌敬致微忱

中賀

欽惟皇帝陛下運啓文明

日新盛德致太平之政治定天下之大經百穀用成民  
人樂育茂集安寧之福屬當歲序之新臣某等効職中  
都忝衛懷遠敢陳春秋一統之義永歌天子萬年之詩

中宮箋

上言正月上日治象咸新盛衣冠之會同仰內廷而稱  
壽

中賀

敬惟皇后殿下輔成內治表正母儀金枝茂奕

葉之華玉冊著禮文之盛適臨正旦多福其臻臣某幸  
荷鴻恩忝衛懷遠敬上齊天之頌普觀仁壽之同

東宮箋

上言天開盛旦海宇清平玉帛覲朝青宮獻頌

中賀敬

惟皇太子殿下尊居嫡長望重宗承于起居侍奉之餘  
得修齊治平之要日新講學茂衍本支屆茲正旦福履  
其成矣某忝衛懷遠何補事功仰鶴籙之重暉與前星  
而齊壽

長淮衛指揮使司正旦表箋三道

上位表



上言春王正月泰象天開仰聖德之君臨盛衣冠而來  
賀中賀欽惟皇帝陛下上膺天命運啓文明同九寓之  
車書統百王之禮樂太平盛治四海詠歌是以天地報  
貺福祥之物莫不畢至際陽明之令序與生物以咸新  
臣某等忝衛長淮祇承恩寵恭上萬年之壽少陳葵藿  
之誠

中宮箋

上言厯象授時寅為歲首玉帛衣冠之盛肇新內殿之

儀中賀敬惟皇后殿下柔順儉慈天生聖德示母儀於天下肅內訓於六宮闕睢葛覃傳諸歌詠臣某等忝司列衛上奉洪恩盛禮樂於九重祝齊年之萬壽

東宮箋

上言獻歲春陽肇新治象青宮盛禮玉帛覲朝中賀敬惟皇太子殿下性稟生知溫文恭敬日覲龍顏之喜天開鶴籞之華問學崇儒輔成政治茂衍本支之盛倍膺福祿之臻某荷承恩寵忝衛長淮少陳報効之誠同上

千秋之祝

洪塘千戶所正旦表箋三道

上位表

上言天開泰象一統車書盛玉帛之會同觀龍廷而獻

頌中賀欽惟皇帝陛下剛健中正應運龍興成永久之

宏基合百王之禮樂唐虞盛際安樂太平肇令序之陽  
明宜倍膺於福祿臣某荷承寵命忝職屯田及時願督  
於農功聖壽共稱於萬歲

中宮箋

上言厯頌大統景運維新仰瞻椒殿之華敬上齊天之  
壽

中賀

敬惟皇后殿下柔嘉維則正位中宮示天下之

母儀衍本支之奕葉太平盛治與日同明屬當獻歲之  
初永集邦家之福臣某忝職屯田兵農任重同上豐年  
之頌願伸向日之誠

東宮箋

上言天開泰運厯象授時玉帛會同青宮受賀

中賀  
敬

惟皇太子殿下盛德溫恭位尊主宅問安侍膳禮謹承  
顏是以大本尊安而邦家永寧矣某屯田忝職事重農  
功歌重潤與重暉祝千秋之福祿

榮陽外史集卷六十四